



**Aningaasaqarnermut Naalakkersuisoq**  
**- / MAANI**

**Aningaasaqarnermut Ataatsimiititaliap ataasinngornermi ulloq 17. maj 2010-mi aalajangiinera pillugu Naalakkersuisunut ilisimatitsineq.**

**KIIN-ip suliassaqarfiata iluani AI 2010-mi missingersuutitut iluarsisutit piviusunngortinneqarnissaat (Suliaq nr. 01.31.06/10-475)**

Naalakkersuisut **inassutigaa**,

konto pingaarnermi 40.01.01 Kultureqarnermut, Ilinniartitaanermit, Ilisimatusarnermut Ilageeqarnermullu Naalakkersuisoqarfik-mi aningaasaliissutit 27.000 kr.-nik appartinneqassasut.

konto pingaarmit 40.02.01 Ilinniagaqartitsivik, aqutsineq aammalu Ilinniartut ineqarfiisa allaffeqarfiat aningaasaliissutit 15.000 kr.-inik appartinneqassasut.

konto pingaarnermi 40.90.01 Ingerlatsinermit aningaasartuutit-mi aningaasaliissutit 21.000 kr.-inik appartinneqassasut.

konto pingaarnermi 40.90.09 Pilersuiffik, assiliartalersuisarfik naqitagassalerivillu-mi aningaasaliissutit 11.000 kr.-nik appartinneqassasut.

konto pingaarnermi 40.12.34 Ilinniarnertuunngorniarfiitmi aningaasaliissutit 139.000 kr.-nik appartinneqassasut.

konto pingaarnermi 40.91.02 Siunnersuisartunik ilinniartitsineq-mi aningaasaliissutit 15.000 kr.-inik appartinneqassasut.

konto pingaarnermi 40.91.05 Iluarsartuussinermit ilinniartitaanerit-mi aningaasaliissutit 33.000 kr.-inik appartinneqassasut.

konto pingaarnermi 40.91.06 Ilinniartitsisunik ilinniartitseqqittarneq-mi aningaasaliissutit 8.000 kr.-inik appartinneqassasut.

konto pingaarnermi 40.91.07 Center for Arktisk Teknologi-mi aningaasaliissutit 33.000 kr.-inik appartinneqassasut.

konto pingaarnermi 40.91.08 Inuussutissarsiutinut ilinniartitaanerit ataani ilinniartitsisunik aningaasaliissutit 297.000 kr.-inik appartinneqassasut.

konto pingaarnermi 40.92.11 Eqqumiitsuliornermik Ilinniartitsisunik-mi aningaasaliissutit 7.000 kr.-nik appartinneqassasut.

konto pingaarnermi 40.92.13 Ilimmarfik-mi aningaasaliissutit 592.000 kr.-inik appartinneqassasut.

konto pingaarnermi 40.92.14 Ajoqissanik organistinillu ilinniartitsineq-mi aningaasaliissutit 10.000 kr.-inik appartinneqassasut.

konto pingaarnermi 40.92.15 Ilagiiit højskoliat-mi aningaasaliissutit 7.000 kr.-inik appartinneqassasut.

konto pingaarnermi 40.92.16 Perorsaanermik Ilinniartitsisunik aamma Oqaasileriffik-mi aningaasaliissutit 163.000 kr.-nik appartinneqassasut.

konto pingaarnermi 40.94.11 Nunatta Atuagaateqarfia-mi aningaasaliissutit

60.000 kr.-nik appartinneqassasut.  
konto pingaarnermi 40.94.12 Nunatta Katersugaasivia-mi aningaasaliissutit 38.000 kr.-inik appartinneqassasut.  
konto pingaarnermi 40.94.17 Kalaallit Nunaata Radiua – KNR-mi aningaasaliissutit 289.000 kr.-inik appartinneqassasut.  
konto pingaarnermi 40.94.18 Kulturip Illorsua Katuaq-mi aningaasaliissutit 22.000 kr.-inik appartinneqassasut.  
konto pingaarnermi 40.97.01 Biskopip allaffia-mi aningaasaliissutit 14.000 kr.-inik appartinneqassasut.  
konto pingaarnermi 40.97.02 Danmarkimi ilagiinnik sullissineq-mi aningaasaliissutit 5.000 kr.-inik appartinneqassasut.  
konto pingaarnermi 40.97.03 Kalaallit Nunaanni ilagiit-i aningaasaliissutit 194.000 kr.-inik appartinneqassasut.  
konto pingaarnermi 40.01.99 Missingersuutinut iluarsissutit-mi aningaasaliissutit 2.000.000 kr.-inik qaffanneqassasut.

### **Aningaasaqarnermut Ataatsimiititaliap oqaaseqaatai**

Tallimangornermi ulloq 14. maj 2010 Aningaasaqarnermut Ataatsimiititaliaq Kultureqarnermut, Ilinniartitaanermut, Iisimatusarnermut Ilageeqarnermullu Naalakkersuisumik isumasioqatiginnilluni ataatsimeeqateqarpoq. Allaffissornikkut aningaasaliissutit ikilissutaasa 2010-mi aningaasanut inatsimmi kontomi pingaarnermi 40.01.99-imi, Missingersuutinut iluarsissutitut tunngasumi, immikkoortinneqartut piviusunngortinneqarnissaannut Naalakkersuisut isummernissaannut tunngavissiaq isumasioqatigiilluni ataatsimiinnermi aallaavigineqarpoq.

Missingersuutinik iluarsissutissat piviusunngortinneqarnissaannut siunnersuutigineqartut aningaasaliissuteqarnermi tunngavinnut kontomi pingaarnermi allassimasunut naapertuunnerat pisariaqartutut ersarisigisumik allassimangitsoq tunngavissatut pigineqartut tunngavigalugit ataatsimiititaliaq isumaqarpoq. Taamaalillunilu ilinniartitaanermut tunngasut aningaasaliissutinik ikililerinernit eqqorneqannginnissat qulakkeerqartutut ataatsimiititaliamit isigineqanngilaq. Taamatuttaaq qitiusumik allaffeqarfimmi suliassaqarfiup 40-p iluani allaffissornermut aningaasaliissutit ikililerutissaattut siunnersuutigineqartut annikitsuinnaat saniatigut sipaaruteqarnissamut periarfissaarunneraaneq eqqortuusooq ataatsimiititaliamit qularutigineqarpoq.

Piareersaaneq pisariaqarneratut peqqissaarunneqarsimangitsoq ataatsimiititaliaq isumaqarpoq. Minnerunngitsumik suliffeqarfiit aningaasaliissutitigut ikilileriffigineqartussat naammattumik peqataatinneqarsimanerannik qularnaatsumik inerniliinissamut tunngavissaqarsorinangilaq. Suliffeqarfinnut attaveqarneq pisortatiguunngitsumik ingerlanneqarsimasooq paasissutissiissutigineqarpoq, tamannalu pisumi tassanerpiaq ataatsimiititaliamit tamakkiisuusutut isigineqanngilaq.

Immikkoortortat ataasiakkaat aningaasaliissutitigut ikileriffigineqarnerisa kingunerisassaannik naliliinissamut missingersuutinut ilanngussat periarfisseqqullugit missingersuutinut ilanngussat tamakkiinerusut kissaatigineqartut ataatsimiititaliap isumasioqatigiilluni ataatsimiigiaqqussummini oqaatigaa. Tamanna suli atuuttoq ataatsimiititaliaq isumaqarpoq. 2009-mi ilassutitut aningaasaliissutinut inatsisissatut siunnersuutip aappassaaneerqarneranut Aningaasaqarnermut Ataatsimiititaliap isumaliutissiissutaa innersuussutigineqassaaq, tamatumani immikkoortoq 4.7-imi missingersuutinut ilanngussat minnerpaamik imarisassaat allassimallutik. Aningaasaliissutit allannguutissaattut qinnutigineqartunut tunuliaqutaasooq missingersuutinut ilanngussani tamakkiisumik

nassuiaatigineqassaaq, soorluttaaq kingunerisinnaasat paasissutissiissutigineqassasut.

Agguaariaaseq allaffissornikkut sipaaruteqarnerni Naalackersuisunit 2010-mi aningaasanut inatsisip akuerineqarnissaa sioqqullugu tamatumalu kingorna atorneqartoq missingersuutitut iluarsiiisutit piviusunngortinneranni aallaavigineqassasooq isummernissamat tunngavissiami nassiunneqartumi siunniunneqarpoq. Periusertli tamanna kissaatiginngisamik kinguneqassasooq Aningaasaqarnermut Ataatsimiititaliaq isumaqarpoq, taamaalillunimi nammatassat annertunerpaartaat ilinniarfiit kontoinut pingaarnernut nammatassiissutigineqarmata. Ilinniarfiilli allaffissornikkut namminneq aningaasartuutaasa kisimik ikilineqarnissaat qulakkeerneqanngilaq. Tamanna Inatsisartut siunertarisaannut naapertuutinngilaq. Taamaattumik missingersuutitigut anguniagaq anguneqarsinnaaqqullugu allaffissornikkut kontomi aningaasartuutit pingaarnersiorneqarnissaat siunertaralugu allaffissornikkut missingersuutit misissuinissaq agguasseriaatsimit atorneqartumit taarserneqarsinnaasorinanngilaq. Taama ingerlatsineq ukiumi sapinngisamik siusissukkut tunngaviusumik isigalugu ingerlanneqartariaqarpoq.

Siuliani allassimasut tunngavigalugit isummernissamat tunngavissiaq ataatsimiititaliamit akuerineqarsinnaanngilaq.

Isummernissamat tunngavissiaq nutaaq allaffissornikkut sipaarutissat piviusunngortinnissaannut siunnersuummik allamik nassuiarlugaanerusumik imalik ataatsimiititaliamit kissaatigineqarpoq. Isummernissamat tunngavissiaq taanna aningaasaliisuteqarnermi tunngavissaritinneqaqqaartunut naapertuunnerussasooq kissaatigineqarpoq, taamaalilluni suliami matumani pineqartumut sanilliullugu nammatassat annertunerpaartaat suliaasaqarfimmi 40-mi qitiusumik allaffeqarfiup ataani allaffissornermut kontonut pingaarnernut nammanneqartussanngorlugit.

### **Aningaasaqarnermut Ataatsimiititaliap aalajangiinera**

Inassuteqaatit Aningaasaqarnermut Ataatsimiititaliamit **akuerineqarsinnaanngillat**.

Kontomi pingaarnermi 40.01.99-imi, Missingersuutitut iluarsiiisutitut tunngasumi, missingersuutitut iluarsiiisutit piviusunngortinnissaannut siunnersuummik nutaamik kingusinnerpaamik pingasunngornermi ulloq 26. maj, nal. 12 tigusaqarnissani ataatsimiititaliap qinnutigaa. Isummernissamat tunngavissiaq missingersuutitut ilanngussat ilanngullugit kalaallisut danskisullu nassuteqquneqarput qarasaasiakkullu nuutinnerat uunga nassiunneqassalluni: [nch@inatsisartut.gl](mailto:nch@inatsisartut.gl). Tamatuma kingorna isummernissamat tunngavissiaq nutaaq tassanilu inassuteqaatit oqaluseriniarlugit tallimanngornermi ulloq 28. maj 2010, nal. 10.00 Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisooq isumasioqatigalugu ataatsimiititaliamit ataatsimeeqatigineqassaaq.

Aningaasaqarnermut Ataatsimiititaliaq sinnerlugu

Naaja Nathanielsen  
Aningaasaqarnermut Ataatsimiititaliap siulittaasua